

廣東圖說

廣東通志

高州府總圖

10





高州府

府治在省城西南一千一十里秦爲南海郡地漢爲合浦郡高涼縣地三國晉宋爲高涼高興二郡地梁爲高州地又分置電白郡隋平陳郡廢爲高涼永熙二郡地唐初屬高州貞觀八年分置潘州二十二年又徙置高州天寶初改高州曰高涼郡潘州曰南潘郡乾元初復曰高州潘州皆屬嶺南道五代屬南漢宋開寶五年省潘州入高州仍曰高涼郡屬廣南西路景德元年州廢屬竇州三年復置元至元十五年置高州路安撫司十七年改總管府屬海北海南道明曰高州府屬廣東布政使司今因之

東西距五百一十里

南北距三百十五里

東至肇慶府陽江縣界一百九十里

東南至陽江縣界一百九十里

南至吳川縣海岸一百十五里

西南至雷州府遂溪縣界二百里

西至廉州府合浦縣界三百二十里

西北至廣西鬱林州博白縣界二百二十里

北至廣西梧州府容縣界二百里

東北至羅定州界一百二十里

高郡北接鬱梧南濱巨海東通廣肇西達雷廉山叢土厚溪洞
迴環茂名附郭茂領聳於前鑑江繞其後南曰吳川東南曰電
白兩邑臨海據重洋限門之險實爲天池與龍門礪洲相犄角
雄兵重鎮扼險設守蓋屹然金湯之固也惟山深箐密猺獞錯
處路通西粵奸宄竊發東逐西奔且水深潮平海寇易至沿邊
防守不容少弛也

領州一縣五 茂名 電白 信宜 化州 吳川 石城

茂名縣圖


二十度

二十度半

茂名縣圖

西五度半

西五度半



度六西

度六西

二十度

三十一度半

度六西

度六西



茂名縣

附郭漢高涼縣地隋置茂名縣自後因之梁置電白縣隋分置茂名縣明成化三年移電白縣治神電衛惟存茂名縣今因之城周六百十四丈高一丈四尺城濠廣三丈深一丈六尺

東山城東三里一名潘山相傳晉潘茂名煉丹於此石船丹竈猶存山勢綿延北爲龍窩嶺又西北爲綠帽嶺又西北爲小函谷關如屏如障郡城鎖鑰最爲險隘

廟岡山城東三里有廣利王廟東南爲鎮頭嶺

雲間山城東四十里山頂平原上有僧寺東界電白縣

筆架嶺城東南十里三峰並峙形似故名四時出雲朝暮變幻

謝牛嶺城東南三十里

商王山城東南七十里東南界電白縣

南宮嶺城南一里上有仙觀

文頭嶺城南二十五里

錫塘嶺城西南二十里

那射嶺城西南三十五里西界化州

觀山城西一里一名仙山濱臨鑑水晉潘茂名飛昇處林木蔭

翳可以游憩有魁星閣觀山寺

康垌山城西十里西南爲大嶺

由子嶺城西北十五里上有由子菴西北爲金井嶺

金井嶺城西北二十里一名仙井嶺山勢邐迤連綿數里

公騎嶺城西北一百里西界化州

茶山城西北一百里北界信宜縣

大應嶺城北五十里山勢崿嶸最爲廣大北界信宜縣

高涼嶺城東北十五里郡因此山而名

石狗嶺城東北四十里西爲平山汎

靈湫巖城東北五十里有大小二巖巖有石室可容數百人

大天井城東北七十里一名雷洞四圍大山環繞故名

白藤嶺城東北一百二十里高廣連綿北界信宜縣

浮山水源出信宜縣東南流入縣北境茶山水自西來注之又

東南流白村渡水自西南來注之又東南流經大應嶺良德墟
水自東北來注之又屈西南流經林水嶺汛又西南流經合丫
汛石骨水自東北來會石骨水源出縣東北雲曇墟西南流經
大坡墟朗韶水自東南來注之又西南流經大天井鶴垌水自
東南來注之又西南流經雲爐閣石骨墟水自東北來注之又
西南流經雲湫巖蕉林堡水自東南來注之又西南流經謝雞
墟汛又西南流經小函谷又西南流與浮山水會浮山水又西
南流經上宮灣又屈西北流經縣城北又屈西南流經康垌山
又西南分流繞沙洲復合紅粉汛水自西南來注之又西南流
響水汛水自西北來注之又西南流經那射嶺又西南流經南

盛墟又西南流入化州東北境

鑑江源出電白縣西南流入縣東南牛角墟又西南流根子墟水自東北來注之又西南流經迷花墟東山水自東北來注之又西南流經登樓堡崩塘墟水自東北來注之又西南流經淺水汛又西南流經梅菜墟汛又西南流入吳川縣東北境

分巡高廉兵備道一員其屬道庫大使一員

均駐城內

高州府知府一員其屬教授復設訓導經歷各一員

均駐城內

督捕通判一員

駐梅菜墟

知縣一員

教諭復設訓導各一員

均駐城內

平山司巡檢一員

駐石骨墟

其屬大鄉十

電白堡城東北六十里內有小村二十五曰浦林曰秀山曰葉
尾曰觀山曰高山曰木涯曰河頭曰甘進曰托垌曰青林曰光
橋曰舊坡曰高尾曰白石曰大林曰大成曰瓊坡曰雞橋曰平
吉曰黃塘曰石骨曰如同曰旺利曰附院曰平山倚山枕水郡
城門戶有石骨墟旺利墟汎平山汎平吉汎

天關開堡城東北六十里內有小村二十一曰嘉孚曰韶院曰
墳腳曰長流水曰祠堂地曰大路坡曰洋橋曰黃薑曰新坡曰
山平曰沙壩子曰諸隆水曰長流曰白藤地曰長塘曰潭面曰
山瑞曰新垌舖曰大木院曰新垌曰清水屯往來大道有大路